



Gent. 221 (1)



UNIV



ENT





Gent. 221 (1)

# Aurelii Prudentii,

CLEMENTIS, VIRI CONSVLAR.  
Inter Christianos facūdissimi poetæ,  
Hymnorum Cathemerinon  
Liber.

Pax optima rerū, quas homini nouisse datū est



Pax vna triumphis innumeris potior.



# Aurelii Prudentii,

CLEMENTIS, VIRI CONSVLAR.

Inter Christianos facūdiffimi poetæ,

in librum Cathemerinon

.i. diurnarū rerū

opus

PRÆFATIO.

Ode tricolos tristrophos. Primus versus vulgo dictus glyconicus dimeter, constans Choriambo inter partes ionici a maiore, Secundus trimeter acatalepticus, constans duobus Choriambis inter partes ionici a maiore, Tertius tetrameter, constans tribus Choriambis inter partes eiusdem ionici, Hoc modo.

-- --UU-- UU

-- --UU-- --UU-- UU

-- --UU-- --UU-- --UU-- UU



**P**Er quinquennia iam decem  
Ni fallor, fuimus, septimus insuper  
Annū cardo rotat, dum fruimur sole volubili.

Instat terminus, & diem  
Vicinum senio iam deus applicat.  
Quid nos vtile tanti spatio temporis egimus?

Ætas prima crepantibus  
Fleuit sub ferulis. Mox docuit toga  
Infectum vitijs falsa loqui, non sine crimine.

Tum lasciua proteruitas,  
Ac luxus petulans (heu pudet, ac piget)  
Fœdauit iuuenē nequitie sordibus, ac luto.

Exin

A ij.

# AVRELII PRVDENTII

Exin iurgia turbidos

Armarunt animos, & male pertinax

Vincendi studium subiucuit casibus asperis.

Bi<sup>suberna</sup> legum moderamine

Frenos nobilium reximus vrbium,

Ius ciuile bonis reddidimus, terruimus reos

Tandem militæ gradu

Euectum pietas principis extulit,

Assumptū propius stare iubēs ordine proximo,

Hec dum vita volans agit,

Inrepsit subito canities seni

Oblitum veteris me Salig consulis arguens,

Sub quo prima dies mihi

Quam multas hyemes voluerit, & rosas

Pratis post glaciē reddiderit, nix capitis probat.

Nunquid talia proderunt

Carnis post obitum vel bona, vel mala?

Cū iā quicquid id est quod fuerat, mors aboleuerit.

Dicendum mihi quisquis es,

Mundum, quem coluit, mens tua perdidit,

Non sūt illa Dei, quæ studuit, cuius habeberis?

Atqui fine sub vltimo

Peccatrix anima stultitiam exuat,

Salte voce Deum concelebrete, si meritis nequit

Hymnis continuet dies,

Nec nox vlla vacet, quin Dominum canat.

Pug.



## CATHEMERINON.

<sup>animus</sup> Pugnet contra hæreses, catholicâ discutiat fidē.  
<sup>propheta</sup> Conculcet sacra gentium,  
<sup>indignus</sup> Labem Roma tuis inferat idolis,  
<sup>propheta</sup> Carmē martyribus deuoeat, laudet apostolos.  
Hæc dum scribō, vel eloquor,  
Vinclis ò vtinam corporis emicem  
Liber, quō tulerit lingua sono mobilis vltimo.

## HYMNVS AD GALLICANTVM.

Carmen dimetrum, Iambicum, Acatalecticū, Vulgus Archilomicum vocat, recipiens locis imparibus Spondeum, & nonnunquam Anapæstum: paribus vero Iambū, & nonnunquā Tribra-  
chum, quod artis esse docet diuus Augustinus, hoc modo.

-- U -- -- U --



<sup>gallus</sup> Ales diei nuncius  
<sup>dum</sup> Lucem propinquam præcinit,  
<sup>dum</sup> Nos excitator mentium  
Iam Christus ad vitam vocat.

Auferte clamat lectulos,  
<sup>egrotantes</sup> Ægros, soporos, desides,  
Castique, recti, ac sobrii  
Vigilate iam sum proximus.  
Post solis ortum fulgidi  
Serum est cubile spernere,  
Ni parte noctis addita  
Tempus labori adieceris.

Vox

A iij.

# AVRELII PRVDENTII

Vox ista, qua strepunt aues

Stantes sub ipso culmine

Pauloante quam lux emicet,

Nostri figura est ludicis.

Tectis tenebris horridis,

Stratisque opertos segnibus,

Suadet quietem linquere

Iam iamque venturo die.

Vt quum coruscis flatibus

Aurora cœlum sparserit,

Omnes labore exercitos

Confirmet ad spem luminis.

Hic somnus ad tempus datus,

Est forma mortis perpetis,

Peccata ceu nox horrida

Cogunt iacere ac stertere.

Sed vox ab alto culmine

Christi monentis præmonet,

Adesse iam lucem prope,

Ne mens sopori seruiat.

Ne somnus vsque ad terminos

Vitæ socordis, opprimat

Pectus sepultum crimine,

Et lucis oblitum suæ.

Ferunt vagantes dæmonas

Lætos tenebris noctium,

Gallo

# CATHEMERINON

Gallo canente exterritos  
Sparsim timere, & cedere.  
Inuisa nam vicinitas  
Lucis, salutis, numinis,  
Rupto tenebrarum situ  
Noctis fugat satellites.  
Hoc esse signum præcii,  
Norunt repromissæ spei,  
Qua nos soporis liberi  
Speramus aduentum Dei.  
Quæ vis sit huius alitis,  
Saluator ostendit Petro,  
Ter antequàm gallus canat,  
Sese negandum prædicans.  
Fit nâque peccator prius peccatum  
Quàm præco lucis proximæ  
Illustret humanum genus,  
Finemque peccandi ferat.  
Fleuit negator denique  
Ex ore prolapsum nefas,  
Cum mens maneret innocens,  
Animusque seruaret fidem.  
Nec tale quicquam postea  
Lingua loquutus lubrica est,  
Cantuque galli cognito,  
Peccare iustus destitit.

Inde

A. iij.

# AVRELI PRVDENTI

Inde est quod omnes credimus,

Illo quietis tempore,

Quo gallus exultans canit,

Christum redisse ex inferis.

Tunc mortis oppressus vigor,

Tunc lex subacta est tartari,

Tunc vis diei fortior

Noctem coegit cedere

Iam iam quiescant improba

Iam culpa furua obdormiat,

Iam noxa lethalis suum

Perpella somnum, marceat.

Vigil vicissim spiritus

Quodcunque restat temporis

Dum meta noctis clauditur,

Stans, ac laborans excubet.

Iesum ciamus vocibus,

Flentes, precantes, sobrij,

Intenta supplicatio

Dormire cor mundum vetat.

Sat conuolutis artubus

Sensum profunda obliuio

Pressit, grauauit, obruit

Vanis vagantem somnijs.

Sunt nempe falsa & friuola,

Quæ mundiali gloria

Ceu

# CATHEMERINON.

Ceu dormientes egimus,  
Vigilemus, hic est veritas.  
Aurum, voluptas, gaudium,  
Opes, honores, prospera,  
Quæcunque nos inflant mala,  
Fit mane, nil sunt omnia.  
Tu Christe somnum disijce,  
Tu rumpe noctis vincula,  
Tu solue peccatum vetus,  
Nouumque lumen ingere.

## HYMNVS MATVTINVS

Carminis ratio eadem est, quæ superioris

**N**ox, & tenebræ, & nubila,  
Confusa mundi, & turbida,  
Lux intrat, albescit polus,  
Christus venit, discedite.  
Caligo terræ scinditur  
Percussa solis spiculo,  
Rebusque iam color redit,  
Vultu nitentis syderis.  
Sic nostra mox obscuritas,  
Fraudisque pectus conscium,  
Ruptis reiectum nubibus,  
Regnante pallefcit Deo.

Tunc Av.

# AVRELII PRVDENTII

Tunc non licebit claudere,  
Quod quisque fuscum cogitat,  
Sed mane clarescent nouo  
Secreta mentis prodita,  
Fur ante lucem <sup>interitus</sup> squalido <sup>interitus</sup>  
Impune peccat tempore,  
Sed lux dolis contraria  
Latere furtum non finit.  
Versuta fraus, & callida,  
Amat tenebris obtegi,  
Aptamque noctem <sup>ad hoc</sup> turpibus <sup>hinc</sup>  
Adulter occultus fouet.  
Sol ecce surgit igneus  
Piget, pudescit, poenitet,  
Nec teste <sup>hinc</sup> quicquam <sup>deus</sup> lumine <sup>prodest</sup>  
Peccare constanter potest.  
Quis mane sumptis nequiter  
Non erubescit poculis,  
Cum fit libido temperans,  
Castumque nugator sapit:  
Nunc nunc seuerum viuatur,  
Nunc nemo tentat ludicrum;  
Inepta nunc omnes sua  
Vultu colorant serio.  
Hæc hora cunctis utilis  
Qua quisque, quod studet, gerat,

Miles

# CATHEMERINON.

<sup>phylax</sup> Miles, togatus, nauita,  
<sup>arator</sup> Opifex, arator, institor.  
Illum forensis gloria,  
Hunc triste raptat classicum,  
Mercator hinc, ac rusticus  
Auara suspirant lucra.  
At nos lucelli, ac fœnoris  
Fandique prorsus nescij,  
Nec arte fortes bellica,  
Te christe solum nouimus.  
Te mente pura, & simplici,  
Te voce, te cantu pio,  
Rogare curuato genu  
Flendo, & canendo discimus.  
His nos <sup>supplicibus</sup> lucramur quæstibus,  
Hac arte tantum viuimus,  
Hæc inchoamus munera,  
Quum sol resurgens emicat.  
Intende nostris sensibus,  
Vitamque totam dispice,  
Sunt multa fucis illita,  
Quæ luce purgentur tua.  
Durare nos tales iube,  
Quales remotis sordibus  
Nitere pridem iusseras,  
Iordane tinctos flumine.

Quod

**O** Crucifer bone lucifator.  
 Omniparens pie, verbigena.  
 Ædite corpore virgineo,  
 Seprius in genitore potens,  
 Astra solum, mare quam fierent:  
 Huc nitido precor intuitu,  
 Flecte salutiferam faciem,  
 Fronte serenus: & in radia,  
 Nominis vt sub honore tui  
 Has epulas liceat capere.  
 Te sine dulce nihil domine,  
 Nec iuuat ore quid appetere,  
 Pocula ni prius, atque cibos  
 Christe tuus fauor imbuerit,  
 Omnia sanctificante fide.  
 Fercula nostra deum sapiant,  
 Christus & influat in pateras,  
 Seria, ludicra, verba, iocos,  
 Denique quod sumus, aut agimus  
 Trina superna regat pietas.  
 Hic mihi nulla rosæ spolia,  
 Nullus aromate fragrat odor,  
 Sed liquor influit ambrosius,  
 Nectareamque fidem redolet  
 Fusus ab vsque patris gremio.  
 Sperne



Sperne camœna leues hederas,  
 Cingere tempora quis solita es.  
 Sertaque mystica dactylico  
 Texere docta, liga strophio  
 Laude Dei redimita comas.  
 Quod generosa potest anima,  
 Lucis & ætheris indigena,  
 Soluere dignius obsequium,  
 Quam data munera si recinat  
 Artificem modulata suum?  
 Ipse homini quia cuncta dedit,  
 Quæ capimus dominante manu,  
 Quæ polus, aut humus, aut pelagus  
 Aere, gurgite, rure, creant,  
 Hæc mihi subdidit, & sibi me.  
 Callidus inlaqueat volucres  
 Aut pedicis dolus, aut maculis,  
 Inlita glutine corticeo  
 vimina plumigeram seriem  
 Impediunt, & abire vetant.  
 Ecce per æquora fluctuagos  
 Texta greges sinuosa trahunt.  
 Piscis item sequitur calamus,  
 Raptus acumine vulnifico  
 Credula saucius ora cibo.  
 Fundit opes ager ingenuas,

Diues

# AVRELII PRVDENTII

Diues aristifera segetis,  
 Hic vbi vitea pampineo  
 Brachia palmitē luxuriant,  
 Pacis alumna vbi bacca viret.  
 Hæc opulētia Christi colis  
 Seruit, & omnia suppeditat.  
 Absit enim procul illa fames  
 Cædibus vt pecudum, libear  
 Sanguineas lacerare dapes.  
 Sint fera gentibus indomitis  
 Prandia, de nece quadrupedum  
 Nos oleris coma, nos siliqua  
 Fœta legumine multumodo  
 Pauerit innocuis epulis.  
 Spumæ multætra gerunt niueos  
 Vberē de gemino latices,  
 Perque coagula densa liquor,  
 Insolidum coit, & fragili  
 Lac tenerum præmitur calatho.  
 Mella recens mihi Cecropia  
 Nectare sudat olente fauus,  
 Hæc opifex apīs aerio  
 Rore liquet, tenuique thymo,  
 Nexilis in scia connubij.  
 Hinc quoque pomiferi nemoris  
 Munera mitia proueniunt,  
 Arbor

# !! CATHEMERINON.

Arbor onus tremefacta suum  
Deciduo grauis imbre pluit,  
Puniceosque iacit cumulos.  
Quæ veterum tuba, quæve lyra  
Flatibus incita, vel fidibus.  
Diuitis omnipotentis opus  
Quæque fruenda patent homini,  
Laudibus æquiparare queat.  
Te Pater optime mane nouo,  
Solis & orbita cum media est.  
Te quoque luce sub occidua  
Sumere cum monet hora cibum,  
Nostra Deus canet harmonia.  
Quod calet halitus interior,  
Corde quod abdita vena tremit,  
Pulsat & incita quod resonam  
Lingua sub ore latens caueam  
Laus superi patris esto mihi.  
Nos igitur tua sancta manus  
Cespitem compuluit madido,  
Effigiem meditata suam  
Vtque foret rata materies,  
Flauit & indidit ore animam.  
Tunc per amœna viæeta iubet  
Frondicomis habitare locis,  
Ver vbi perpetuum redolet,  
Prataq; B

Prataq;

B

# AVRELI PRVDENTII

Prataque multicolora latex

Quadrifluo celer amne rigat.

Hæc tibi nunc famulentur ait,

Vsibus omnia dedo tuis,

Sed tamen aspera mortifero

Stipite carpere poma veto,

Qui medio vires in nemore.

Hic draco perfidus indocile

Virginis inlicit ingenium,

Vt socium male suada virum

Mandere cogeret ex vetitis,

Ipsa pari peritura modo,

Corpora mutua nosse nefas,

Post epulas inoperta vident

Lubricus error & erubuit:

Tegmina suta parant foliis,

Dedecus vt pudor occuleret.

Conscia culpa Deum pauitans

Sede pia procul exigitur.

Innuba scemina quæ fuerat,

Coniugis excipit imperium,

Fœdera tristitia iussa pati.

Autor & ipse doli Coluber

Plectitur improbus, vt mulier

Colla trilingua calce terat,

Sic coluber muliebri solum

Suspi.

# CATHEMERINON.

Suspicit, atque virum mulier.  
His ducibus vitiosa dehinc  
Posteritas ruit in facinus,  
Dumque rudes imitatur auos,  
Fasque, nefasque simul glomerans  
Impia crimina morte luit.  
Ecce venit noxia progenies,  
Æthere proditus alter homo,  
Non luteus, velut ille prius:  
Sed Deus ipse gerens hominem,  
Corporeisque carens vitijis,  
Fit caro viuuda sermo patris,  
Numine quem rutilante grauis  
Non thalamo, neque iure tori,  
Nec genialibus illecebris  
Intemerata puella parit.  
Hoc odium vetus illud erat,  
Hoc erat aspidis atque hominis  
Digladiabile dissidium,  
Quod modo cernua fœmineis  
Vipera proteritur pedibus.  
Edere namque Deum merita  
Omnia virgo venena domat,  
Tractibus anguis inexplicitis  
Virus in me piger reuomit,  
Gramine concolor in viridi.

Quæ

B ij.

# AVRELII PRVDENTII

Quæ feritas modo non trepidat,  
 Territa de grege candidulo:  
 Impatiens lupus inter quos  
 Tristis obambulat, & rabidum  
 Sanguinis immemor os cohibet.  
 Agnus enim vice mitifica  
 Ecce leonibus imperitat,  
 Exagitantque truces aquilas  
 Per vaga nubila, perque notos  
 Sydere lapsa columba fugat.  
 Tu mihi Christe columba potens,  
 Sanguine pasta cui cedit avis,  
 Tu niueus per ouile tuum  
 Agnus hiare lupo prohibes,  
 Sub iuga tigridis ora premens,  
 Da locuples Deus hoc famulis  
 Rite precantibus, vt tenui  
 Membra cibo recreata leuent,  
 Neu piger immodicis dapibus  
 Viscera tena grauet stomachus.  
 Haustus amarus abesto procul,  
 Nec libeat tetigisse manu  
 Exitiale quid, aut vetitum,  
 Gustus & ipse modum teneat,  
 Solpitet vt iecur incolume.  
 Sit satis anguibus horrificis,

Liba

# CATHEMERINON.

Liba quod impia corporibus

Ah miseram peperere necem.

Sufficiat semel ob facinus

Plasma Dei potuisse mori.

Oris opus, vigor igneolus

Non moritur, quia flante Deo,

Compolitus, superoque fluens

De solio patris artificis,

Vim liquidæ rationis habet.

Viscera mortua, quinetiam

Post obitum reparare datur,

Eque suis iterum tumulis

Prisca renascitur effigies.

Pulvere coeunte situ.

Credo equidem neque vana fides,

Corpora viuere more animæ:

Nam modo corporeum memini

De phlegethonte gradu facili

Ad superos remeasse Deum.

Spes eadem mea membra manet,

Quæ redolentia funereo

Iussa quiescere sarcophago.

Dux parili redituus humo

Igneæ Christus ad astra vocat.

## HYMNVS POST CIBVM.

Carmen trimetrum, vulgo dictum phaleciū, hendecasyllab.

constans regulariter molossi partibus & choriambo cum di-

ambo.

# AVREKII PRVDENTII

ambo, hoc modo,

**P**Astis visceribus, ciboque sumpto,  
Quem lex corporis imbecilla poscit,  
Laudem lingua Deo patri rependat.

Patri, qui Cherubim sedile sacrum,  
Necnon & Seraphim suum supremo  
Subnixus solio tenet, regitque.

Hic est quem sabbath Deum vocamus,  
Expers principij, carensque fine,  
Rerum conditor, & repertor orbis.

Fons vitæ liquida fluens ab arce,  
Infusor fidei, sator pudoris,  
Mortis perdomitor, salutis autor,  
Omnes quod sumus, aut vigemus inde est,

Règnat spiritus ille sempiternus,  
A Christo simul & parente missus.

Intrat pectora candidus pudica,  
Quæ templi vice consecrata ridet,  
Postquam combiberint Deum medullis.

Sed siquid vitij, dolive nasci  
Intra viscera iam dicata sensit,  
Ceui spurcum, refugit celer sacellum

Tetrum fragrat enim vapore crasso  
Horror conscius æstuante culpa,  
Offensumque bonum niger repellit.

Nec solus pudor, innocensque votum,  
Templum



# CATHEMERINON.

Templum constituunt perenne Christo

In cordis medij sinu, ac recessu.

Sed ne crapula ferueat cauendum est.

Quæ sedem fidei cibus refertam

Visque ad congeriem coarctet intus.

Partis victibus expedita corda

Infulum melius Deum receptant,

Hic passus animæ est, saporque verus.

Sed nos tu gemino fouens paratu

Artus atque animas vtroque passu

Confirmas pater, ac vigore complex.

Sic olim tua præcluens potestas,

Inter raucilonos litum leones

Illaplis dapibus virum refovit.

Illum fusile numen execrantem

Et curuare caput sub expolita.

Æris materia nefas putantem,

Plebs diræ Babylonis, ac tyrannus

Morti subdiderant, feris dicarant,

Sæuis protinus haustibus vorandum.

O semper pietas, fidesque tuta,

Lambunt indomiti virum leones;

Intactumque Dei tremunt alumnus.

Astant cominus, & iubas reponunt,

Manfuescit rabies, fameque blanda

Prædam rictibus ambit incruentis

Sed. B iiii.

# AVRELII PRVDENTII

Sed cum tenderet ad superna palmas,  
 Expertumq; sibi Deum rogaret,  
 Clausus iugiter, indigenque victu.  
 Iustus nuncius aduolare terris,  
 Qui passum famulo daret probato,  
 Raptim desilire obsequente mundo.  
 Cernit forte procul dapes inemptas,  
 Quas messoribus Abbacuc propheta  
 Agresti bonus exhibebat arte.  
 Huius cælarie manu prehensa,  
 Plenis sicut erat grauem canistris  
 Suspensum rapit & vehit per auras.  
 Tum raptus simul ipse, prandiumque  
 Sensim labitur in lacum leonum,  
 Et quas tunc epulas gerebat, offert.  
 Sumas lætus ait, libensque carpas  
 Quæ summus pater, angelusque Christi  
 Mittunt liba tibi sub hoc periculo.  
 His sumptis, Danielus excitauit  
 In cœlum faciem, ciboque fortis  
 Amen reddidit, alléluia dixit.  
 Sic nos muneribus tuis refectioni,  
 Largitor Deus omnium bonorum,  
 Grates reddimus & sacramus hymnos.  
 Tu nos tristifico velut tyranno,  
 Mundi scilicet impotentis actu

Con.

# CATHEMERINON.

Conclusos regis, & feram repellis.  
Quæ circumfremit, ac vorare tentat,  
Insanos acuiens furore dentes,  
Cum te summe Deus precemur vnum,  
Vexamur premimur, malis rotamur,  
Oderunt lacerant trahunt, lacellunt,  
Iuncta est supplicis fides iniquis,  
Nec desit tamen anxiiis medela:  
Nam languente trucis leonis ira,  
Illapla superfingeruntur esca.  
Quas si quis sitienter hauriendo  
Non gustu tenui, sed ore pleno,  
Internis velit implicare venis,  
Hic sancto satiatus ex propheta,  
Iustorum capiet cibos virorum,  
Qui fructum Domino metunt perenni.  
Nil est dulcius ac magis saporum,  
Nil quod plus hominem iuuare possit,  
Quam vatis pia præcipientis orla.  
His sumptis licet insolens potestas  
Præuim iudicet, inrogetque mortem:  
Impasti licet inruant leones,  
Nos semper Dominum patrem fatentes,  
In te Christe Deus loquemur vnum,  
Constanterque tuam crucem feremus.

HYM: B v.

# AVRELI PRVDENTII

## HYMNV S ad incensum cerei pascha lis

Carmen trimetrum acatalecticum, cōstans duobus choriā-  
bis inter partes ionici a maiore, Hoc modo.

-- -UU- -UU- UU

**I**Nuentor rutili dux bone luminis,  
Qui certis vicibus tempora diuidis,  
Merso Sole chaos ingruit horridum,  
Lucem Christe tuis redde fidelibus.  
Quamuis innumero lydere regiam,  
Lunarique polum lampade pinxeris.  
Incussu filicis lumina nos tamen  
Monstras saxigeno semine querere.  
Nè nesciret homo spem sibi luminis  
In Christi solido corpore conditam,  
Qui dici stabilem se voluit petram,  
Nostris igniculis vnde genus venit.  
Pinguis quos olei rore madentibus  
Lychnis aut facibus pascimus aridis,  
Quin & fila flauis scirpea floreis  
Presso melle prius collita fingimus.  
Viua

# CATHERMERINON.

Viuax flamma viget, seu caua testula  
 Succum linteolo suggerit ebrio,  
 Seu pinus piceam fert alimoniam,  
 Seu ceram teretem stuppa calens bibit.  
 Nectar de liquido vertice feruidum  
 Guttatim lachrymis stillat olentibus,  
 Ambustum quoniam vis facit ignea  
 Imbrem de madido flere cacumine.  
 Splendent ergo tuis muneribus pater  
 Flammis mobilibus scilicet atria,  
 Absentemque diem lux agit æmula  
 Quam nox cum lacero victa fugit populo.  
 Sed quis non rapidi luminis arduam,  
 Manantemque Deo cernat originem?  
 Moles nempe Deum spinifero in rubo  
 Vidit conspicuo lumine flammeum.  
 Felix qui meruit sentibus in sacris  
 Cœlestis solii visere Principem,  
 Iussus nexa pedum vincula soluere,  
 Ne sanctum inuolucris pollueret locum.  
 Hunc ignem populus sanguinis inclyti  
 Maiorum meritis tutus, & impotens  
 Suetus sub dominis viuere barbaris,  
 Iam liber sequitur longa per auia  
 Qua gressum tulerant, castraque cerulæ  
 Noctis per medium concita mouerant,  
 Plebem

# AVRELI PRVDENTII

Plebem peruigilem fulgure præuio  
Ducebat radius sole micantior.

Sed rex Niliaci littoris, inuido  
Feruens felle, iubet præualidam manū

In bellum rabidis ire cohortibus,  
Ferrataque acies clangere clasicum.

Sumunt arma viri, seque minacibus  
Accingunt gladiis, triste canit tuba,

Hic fidit iaculis, ille volantia  
Præfigit calamis spicula Gnosiis.

Densatur cuneis turba pedestribus,  
Currus pars, & equos & volucres rotas

Conscendunt celeres, signaque bellica  
Prædunt tumidis clara draconibus.

Hinc iam seruiti neicia pristini  
Gens Pelusiæcis vltis vaporibus,

Tandem purpurei gurgitis hospita  
Rubris littoribus fessa relederat.

Hostis dirus adest cum duce perfido,  
Infert & validis prælia viribus,

Moses porro suos in mare præcipit  
Constans intrepidus tendere gressibus.

Præbent rupta locum stagna vianibus,  
Riparum in faciem peruia, sistitur

Circumstans vitreis vnda liquoribus,  
Dum plebs sub bifido permeat æquore.

Pubes

# CATHEMERINON.

Pubes quinetiam decolor asperis

Irritata odijs, rege sub impio,

Hebræum sitiens fundere sanguinem

Audet se pelago credere concauo.

Ibant præcipiti turbine percita

Fluctus per medios agmina regia.

Sed confusa dehinc vnda reuoluitur

In semet reuolans gurgite confluo.

Currus tunc, & equos, telaq; naufraga,

Ipsos & proceres, & vaga corpora

Nigrorum videas nare satellitum,

Arcis iustitium triste tyrannicæ.

Quæ tandem poterit lingua retexere

Laudes Christe tuas: qui domita pharon

Plagis multimodis cedere Præfuit

Cogis iustitiæ, vindice dextera.

Qui pontum rapidis æstibus inuium

Perfultare vetas, vt refluo in salo

Securus pateat te duce transitus,

Et mox vnda rapax vt voret impios.

Cui ieiuna viæ saxa madentibus

Exundant scatebris, & latices nouos

Fundit scissa silex, quæ sitientibus

Dat potum populis axe sub igneo.

Instar fellis aqua tristifico in lacu

Fit ligni venia mel velut atticum,

Lignum

# A V R E L I I P R A E D E N T I I

Lignū est, quo sapiunt aspera dulcius,

Nam præfixa cruci spes hominū viget.

Implet caltra cibus tunc quoque pinguidus,

Illabens gelida grandine denhus,

His mensas epulis, hac dape construunt,

Quam dat sydereo Christus ab æthere.

Nec non imbrifero ventus anhelitu

Crassa nube leues inuehit alites,

Quæ diffusa in humum, cum semel agmina

Fluxerunt, reduci non reuolant fuga.

Hæc olim patribus præmia contulit

Insignis pietas numinis vnici,

Cuius subsidio nos quoque vescimur,

Pascentes dapibus pectora mysticis.

Fessos ille vocat per freta sæculi

Discissis populum turbinibus regens,

Raptataque animas mille laboribus

Iustorum in patriam scandere præcipit.

Illic purpureis tecta rosariis

Omnis fragrat humus, caltaque pingua

Et molles violas, & tenues crocos

Fundit fonticulis vnda fugacibus.

Illic & gracili balsama surculo

Desudatā fluunt, raraque cinnama

Spirant, & folium, fonte quod ab dito

Prælabens, fluuius portat in exitum.

Fœli



# CATHEMERINON.

Fœlices animæ præta per herbida  
Concentu parili suaue sonantibus  
Hymnorum modulis dulce canunt melos,  
Calcant & pedibus lilia candidis.  
Sunt & spiritibus sæpe nocentibus  
Pœnarum celebres sub styge feriæ.  
Illa nocte facer qua rediit Deus,  
Stagnis ad superos ex Acheronticis  
Non sicut tenebras de face fulgida  
Surgens Oceano lucifer imbuat.  
Sed terris domini de cruce tristibus  
Maior sole nouum restituens diem.  
Marcant suppliciiis tartara mitibus  
Exultatque sui carceris ocio.  
Vmbrarum populus, liber ab ignibus,  
Nec feruent solito flumina sulphure.  
Nos festis trahimus per pia gaudia,  
Noctem conciliis, vota que prospera  
Certatim vigili congerimus prece,  
Exstructoque agimus liba sacrario.  
Pendent mobilibus lumina funibus,  
Quæ suffixa micant per laquearia,  
Et de languidulis fota natatibus  
Lucem perspicuo flamma iacit vitro.  
Credas stelligeram de super aream  
Ornatam geminis stare trionibus,  
t qua

# AVREKII PRVDENTII

Et qua bosphoreum temo regit iugum  
 Passim purpureos spargier hesperos.  
 O res digna Deus, quam tibi roscida  
 Noctis principio grex tuus offerat,  
 Lucem, qua tribuis nil preciosius  
 Lucem, qua reliqua præmia cernimus.  
 Tu lux vera oculis, lux quoque sensibus,  
 Intus tu speculum, tu speculum foris,  
 Lumen, quod famulans offero, suscipe,  
 Tinctum pacifici chrismatis vngvine.  
 Per Christum genitum summe pater tuum,  
 In quo visibilis stat tibi gloria,  
 Qui noster dominus, qui tuus vnicus  
 Spirat de patrio corde paraclitum.  
 Per quem splendor, honos, laus, sapientia,  
 Maiestas, bonitas, & pietas tua  
 Regnum continuat numine triplici,  
 Texens perpetuis secula seculis.

## HIMNVS ANTE SOMNV M.

Carmen dimetrum acatalecticum, constans tribus plenis pedibus & semipede, vulgus anacreonticum vocat, paribus locis habet iambum uel tribrachum, & imparibus, iambum, tribrachum, spondæum, anapestum. Hoc modo.

U — U — U — U  
 — — U — — — U

Ades

# CATHEMERINON.

**A** Des Pater supreme  
 Quem nemo vidit unquam,  
 Patrisque sermo Christus,  
 Et spiritus benigne.  
 O trinitas huius  
 Vis una, lumen unum,  
 Deus ex deo perennis,  
 Deus ex utroque missus.  
 Fluxit labor diei,  
 Redit quietis hora,  
 Blandus sopor vicissim  
 Fessos relaxat artus.  
 Mens æstuans præcellis,  
 Curisque sauciata  
 Totis bibit medullis.  
 Obliviale poculum.  
 Serpit per omne corpus  
 Lethæa vis, nec ullum  
 Miseris doloris ægri  
 Patitur manere sensum.  
 Lex hæc data est caducis  
 Deo iubente membris,  
 Ut temperet laborem  
 Medicabilis voluptas.  
 Sed dum pererrat omnes  
 Quies amica venas,

Pectusq; C

# AVRELII PRVDENTII

Pectusque feriatum

Placat rigante somno:

Liber vacat per auras

Rapido vigore sensus

Variaque per figuras

Quæ sunt operta cernit

Quia mens soluta curis

Cui est origo cælum

Purusque fons ab ætre

Iners iacere nescit.

Imitata multiformes

Facies, sibi ipsa fingit

Per quas repente currens

Tenui fruatur actu.

Sed sensa somniantum

Dispar fatigat horror

Nunc splendor intererrat,

Qui dat futura nosse.

Plerumque dissipatis

Mendax imago veris

Animos pauore mœstos

Ambage fallit atra.

Quem rara culpa morum

Non polluit frequenter

Hunc lux serena vibrans

Res edocet latentes.

Atqui

# CATHEMERINON.

Atqui conquinatum — — — — —

Vitis cor impiavit. — — — — —

Lusus pauore multo — — — — —

Species videt tremendas. — — — — —

Hoc Patriarcha noster — — — — —

Sub carceris catena — — — — —

Geminis simul ministris — — — — —

Interpres adprobauit. — — — — —

Quorum reuersus vnus — — — — —

Dat poculum tyranno, — — — — —

Ast alterum rapaces — — — — —

Fixum vorant volucres. — — — — —

Ipsium deinde Regem — — — — —

Perplexa somniantem — — — — —

Monuit famem futuram — — — — —

Clausis cauere aceruis. — — — — —

Mox præsul ac tetrarches — — — — —

Regnum per omne iussus — — — — —

Sociam tenere virgam, — — — — —

Dominae reledit aula. — — — — —

O quam profunda iustis — — — — —

Atcana, per soporem — — — — —

Aperit tuenda Christus, — — — — —

Quam clara, quam tacenda. — — — — —

Euangelista summi — — — — —

Fidissimus magistri, — — — — —

Signata

C ij.

# AVRELI PRVDENTII

Signata quæ latebant

Nebulis videt remotis.

Ipsū tonantis agnū

De cæde purpurantem,

Qui consciū futuri

Librū resignat vnus.

Huius manū potentem

Gladius perarmat anceps,

Et fulgurans vtrinque

Duplicem minatur ictū

Quæsitōr ille solus

Animæque, corporisque,

Ensisque bis timendus

Prima, ac secunda mors est.

Idem tamen benignus

Vltor, retundit iram,

Paucosque non piorum

Patitur perire in æuū.

Huic inclytus perenne

Tribuit pater tribunal,

Hunc obtinere iussit

Nomen supra omne nomen.

Hic præpotens cruenti

Extinctōr Antichristi,

Qui de furente monstro

Pulchrū refert trophæū,

Quam

# CATHEMERINON.

Quam bestiam capacem, — — — — —

Populosque deuorantem, — — — — —

Quam sanguinis charybdim, — — — — —

Ioannes execratur, — — — — —

Hæc nempe, quæ sacratum — — — — —

Præferre nomen ausa, — — — — —

Imam petit gehennam, — — — — —

Christo perempta vero. — — — — —

Tali sopore iustus — — — — —

Mentem relaxat heros, — — — — —

Vt spiritu sagaci — — — — —

Cælum peragret omne. — — — — —

Nos nil meremur horum, — — — — —

Quos creber implet error, — — — — —

Concreta quos malarum — — — — —

Vitiat cupid rerum. — — — — —

Sat est quiete dulci — — — — —

Fessum fouere corpus, — — — — —

Sat si nihil finistrum — — — — —

Vanæ minentur vmbrae. — — — — —

Cultor Dei memento — — — — —

Te fontis, & lauacri — — — — —

Rorem subisse sanctum, — — — — —

Te chrismate innouatum. — — — — —

Fac cum vocante somno — — — — —

Castum petis cubile, — — — — —

Frontem Cuij

# AVRELII PRVDENTII

Frontem, locumquē cordis — — — — —

Crucis figura signet. — — — — —

Crux pellit omne crimen, — — — — —

Fugiunt crucem tenebræ, — — — — —

Tali dicata signo — — — — —

Mens fluctuare nescit. — — — — —

Procul o procul vagantum — — — — —

Portenta somniorum, — — — — —

Procule sto peruicaci — — — — —

Præstigiator astus — — — — —

O tortuose serpens, — — — — —

Qui mille per Meandros, — — — — —

Fraudesque flexuosas — — — — —

Agitas quietæ corda, — — — — —

Discede, Christus hic est, — — — — —

Hic Christus est, liquesce, — — — — —

Signum, quod ipse nosti, — — — — —

Damnat tuam crateruam. — — — — —

Corpus licet fatiscens — — — — —

Iaceat recline paulum, — — — — —

Christum tamen sub ipso — — — — —

Meditabimur sopore. — — — — —

## HYMNVS IEIVNANTIVM.

Carmen monocolon iambicū, senarium, acatalecticum, locis imparibus habens spondeum, anapestū, iambum, tribrachū paribus vero iambum, & nonnunquam tribrachum.

O Naga:



# CATHEMERINON.

**O** Nazarene dux Bethleem, verbū patris,  
Quem partus alui virginalis protulit.

Adesto castis Christe parsimoniis,  
Festumque nostrum rex serenus aspice,  
Ieiuniorum dum litamus victimam.

Nihil hoc profecto purius mysterio,

Quo fibra cordis expiatur liuidi.

Intemperata quo domantur viscera

A ruina putrem ne resudans crapulam

Obstrangulatæ mentis ingenium premat.

Hinc subiugatur luxus, & turpis gula,

Vini, atque somni degener socordia,

Libido sordens, inuerecundus lepos,

Variaque pestes languidorum sensuum,

Parcam subactæ disciplinam sentiunt.

Nam si licenter diffuens potu, & cibo,

Ieiuna rite membra non coerceas,

Sequitur frequenti marcida oblectamine,

Scintilla mentis vt tepescat nobilis,

Animusque pigris stertat vt præcordijs.

Frenentur ergo corporum cupidines,

Detera vt intus emicet prudentia,

Sic excitato peripicax acumine,

Liberque statu laxiore spiritus

Rerum parentem rectius precabitur.

Helias tali creuit obseruantia

Vetus Ciiij.

# AVRELIIPRVDENTII

Vetus sacerdos, ruris hospes aridi,  
 Fragore ab omni quem remotū, & legrege  
 Spreuisse tradunt criminum frequentiam,  
 Casto fruente Syrtium silentio.  
 Sed mox in auras igneis iugalibus,  
 Curruque raptus euolauit præpeti,  
 Ne de propinquo sordium contagio  
 Dirus quietum mundus afflaret virum  
 Olim probatis inclytum ieiuniis.  
 Non ante cœli principem septemplicis  
 Moses tremendi fidus interpretis throni  
 Potuit videre quàm decem recursibus  
 Quater volutis sol peragrans sydera  
 Omni carentem cerneret substantia.  
 Victus precantis solus in lachrymis fuit  
 Nam flendo pernox, irrigatum puluerem  
 Humi madentis ore pressit cernuo,  
 Donec loquentis voce perfrictus Dei,  
 Expauit ignem non ferendum visibus.  
 Ioannes huius artis haud minus potens,  
 Dei perennis præcucurrit filium,  
 Curuos viarum qui retorsit tramites,  
 Et flexuosa corrigens dispendia,  
 Dedit sequendam calle recto lineam.  
 Hanc obsequelam præparabat nuncius  
 Mox affuturo construens iter Deo,  
Cliuo

Cluosa planis, confragosa vt lenibus  
 Conuerterentur, neue quicquam deuium  
 In lapsa terris inueniret veritas.  
 Non vilitatis ortus hic natalibus,  
 Oblita lactis iam vieto in pectore  
 Matris tetendit serus infans vbera,  
 Nec ante partu de lenili effusus est,  
 Quam prædicaret virginem plenam Deo.  
 Post in patentes ille solitudines,  
 Amictus hirtis bestiarum pellibus,  
 Setisve tectus, hispida & lanugine,  
 Secessit, horrens inquinari, & pollui  
 Contaminatis oppidorum moribus.  
 Illic dicata parcus abstinentia  
 Potum, cibumque vir seueræ industriæ  
 In vsque serum respuebat vesperum,  
 Parum locustis & fauorum agrestium  
 Liquore pastum corpori suetus dare.  
 Hortator ille primus, & doctor nouæ  
 Fuit salutis, nam sacro in flumine  
 Veterum piatas lauit errorum notas,  
 Sed tincta postquam membra defecauerat,  
 Cælo refulgens influebat spiritus.  
 Hoc ex lauachro labe dempta criminum,  
 Ibant renati non secus quam si rudis  
 Auri recocta vena pulchrum splendeat,  
 Micet

Micet metalli siue lux argentei,  
 Sudum polito prænitiens purgamine.  
 Referre prisca stemma nunc ieiunii  
 Libet, fideli proditum volumine,  
 Vt diruendæ ciuitatis incolis  
 Fulmen benigni mansuefactum patris  
 Pie repressis ignibus pepercerit.  
 Gens insolenti præpotens iactantia  
 Pollebat olim, quam fluentem nequiter  
 Corrupta vulgo soluerat lasciuia,  
 Et inde bruto contumax fastidio,  
 Cultum superni negligebat numinis.  
 Offensa tandem iugis indulgentiæ  
 Censura, iustis excitatur motibus,  
 Dextram perarmat rhompheali incendio,  
 Nimbos crepantes, & fragosos turbines  
 Vibrans, tonantem nube flamarum quatit  
 Sed pœnitendi dum datur diecula,  
 Si forte vellent improbam libidinem,  
 Veteresque nugas condomare, ac frangere,  
 Suspendit ictum terror exorabilis,  
 Paulumque dicta substitit sententia.  
 Ionam Prophetam mitis ultor excitat,  
 Pœnæ imminentis iret vt prænunciis:  
 Sed nosset ille cum minacem iudicem  
 Seruare malle, quàm ferire, ac plectere,  
 Test

Tectam latenter vertit in Tharlos fugam.

Celsam paratis pontibus scandit ratem.

Vdo reuincta fune puppis soluitur.

Itur per altum, fit procellosum mare.

Tum causa tanti queritur periculi.

Sors in fugacem missa vatem decedit.

Iussus perire solus è cunctis reus.

Cuius voluta crimen vrna expresserat.

Præceps rotatur, ac profundo imergitur.

Exceptus inde beluinis faucibus.

Alui capax viuis hauritur specu.

Transmissa raptim præda, cassos dentium.

Eludit ictus, incruentam transuolans.

Impune linguam, ne retentam mordicus,

Offam molares dissecarent vradi,

Os omne transit, & palatum præterit.

Ternis dierum, ac noctium processibus

Mansit ferino detoratus gurgite

Errabat illic per latebras viscerum,

Ventris recessus circumibat tortiles

Anhelus, extis intus æstuantibus.

Intactus exin tertiæ noctis vice,

Monstri vomentis pellitur singultibus,

Qua murmuranti sine fluctus frangitur,

Sallosque candens spuma tundit pumices.

Ructatus exit, seque seruatum stupet

In Ni

# AVRELIJ PRVDENTII

In Niniuitas se coactus pergit

Gressu reflectit, quos vt increpauerat

Pudenda Censor imputans opprobria

Impendet, inquit, ira summi vindicis,

Vrbemque flama mox cremabit, credite.

Apicem deinceps ardui montis petit,

Visurus inde conglobatum turbida

Fumum ruinae, cladis & dirae struem,

Tectus flagellis multino digermis,

Nato & repente perfruens vmbraculo.

Sed mœsta postquam ciuitas vulnus noui

Haufit doloris, heu supremum palpitat,

Cursant per ampla congregatim mœnia

Plebs, & senatus, omnis ætas ciuium,

Pallens iuuentus, euulantes fœminæ,

Placet frementem publicis ieiuniis

Placare Christum, mos edendi spernitur.

Glaucos amictus induit monilibus

Matrona demptis, proque gema, & serico.

Crinem fluentem sordidus spargit cinis.

Squalent recincta veste pullati patres,

Setalque plangens turba sumit textiles.

Impexa villis virgo bestialibus

Nigrante vultum contegit velamine,

Iacens harenis & puer prouoluitur.

Rex ipse, Coos æstuantem murices

Lænam

# CATHEMERINON.

Lænam seuulsa dissipabat fibula  
Gemma virentes, & lapillos sutiles,  
Insigne frontis exuebat vinculum  
Turpi capillos impeditos puluere.  
Nullus bibendi, nemo vescendi memor,  
Ieiuna mensas pubes omnis liquerat,  
Quin & negato lacte vagientium  
Fletu madescunt paruulorum cunulae,  
Succum papillæ parca nutrix denegat:  
Greges & ipsos claudit armentalium  
Sollers virorum cura, ne vagum pecus  
Contingat ore rorulenta gramina,  
Potum itrepentis neve fontis hauriat,  
Vacuis querelæ personant præsepibus.  
Mollitus his, & talibus, breuem Deus  
Iram refrenat, temperans oraculum,  
Prosper sinistrum, prona nam clementia  
Haud difficulter supplicem mortalium  
Solvit reatum, fitque faulrix flentium.  
Sed cur vetustæ gentis exemplum loquor?  
Pridem caducis cum grauatus artubus  
Iesus, dicato corde iniunauerit,  
Prænuncupatus ore qui prophético  
Emanuel est, siue nobiscum Deus.  
Qui corpus istud molle naturaliter  
Captumque laxo sub voluptatum iugo,  
Virtu

# AVRELI PRVDENTII

Virtutis arcta lege fecit liberum,

Emancipator seruiantis plalmatis,

Regnantis ante victor & cupidinis.

Inhospitali namque secretus loco

Quinis diebus octies labentibus,

Nullam ciborum vindicauit gratiam,

Firmans salubri scilicet ieiunio

Vas appetendis imbecillum gaudiis.

Miratus hostis posse limum tabidum

Tantum laboris sustinere ac perpeti

Explorat arte sciscitator callida

Deus ne membris sit receptus terreis.

Sed increpata fraude, post tergum ruit.

Hoc nos sequamur quisque nunc pro viribus,

Quod consecrati tu magister dogmatis

Tuis dedisti Christe sectatoribus,

Vt cum vorandi vicerit libidinem,

Late triumphet Imperator spiritus.

Hoc est quod atri suorum hostis inuidet

Mundi polique quod gubernator probat.

Altaris aram quod facit placabilem

Quod dormientis excitat cordis fidem,

Quod limat ægram pectorum rubiginem

Perfusa non sic anne flamma extinguitur

Nec sic calente sole tabescunt niues,

Vt turbidarum scabra culparum seges

Vane.





# CATHEMERINON.

Vanescat almo trita sub ieiunio.

Si blanda semper milceatur largitas.

Est quippe & illud grande virtutis genus,

Operire nudos, indigentes pascere,

Opem benignam ferre supplicantibus.

Vnam paremque sortis humanæ vicem

Inter potentes atque egenos ducere.

Satis beatus quilibet dextram porrigit,

Laudis rapacem, prodigam pecuniæ,

Cuius sinistra dulce factum nesciat,

Ullum perennes protinus complent opes,

Ditatque fructus foenerantem centuplex.

Carmen vulgo Saphicum constans Cretico, Ionico a maiore

Udichorio Siletur post creticum tempus vnum si sit finis

ditionis. Alioqui siletur post primam vel quintam syllabam

Est autem disolon tetraastrophon. sed quartus versus vulgo

Adonius constat dactylo U spondeo vel choriambos et syllaba

longa Hoc modo.

-U-

-UU-

-UUU-

-UUUU-

-UUUUU-

-UUUUUU-

-UU-

-UUU-

-UUUU-

-UUUUU-

-UUUUUU-

-UUUUUUU-

**C**hristeleruorum regimen tuorum,

Molli bus qui nos moderans habenis,

Leniter frenas, facili que septos

Lege coerces.

Ipse cum portans onus impeditum

Corpo

AVRELII PR. V DENTII

Corporis, duros tuleris labores,  
Maior exemplis, famulos remisso  
Dogmate palpas.

Nona summum rotat hora solem,  
Partibus vix dum tribus evolutis,  
Quarta de uexo superstit in axe  
Portio lucis.

Nos brevis voti dape vindicata  
Solumus festum, fruimurque mensis  
Adfatim plenis, quibus imbuatur  
Prona voluptas.

Tantus æterni fauor est magistri,  
Doctor indulgens ita nos amico  
Lactat hortatu, levis obsequela ut  
Mulceat artus.

Addit & nequis velit inuehusto  
Sordidus cultu lacerare frontem,  
Sed decus vultus, capitique pexum  
Comat honorem.

Terge ieiunans, ait, omne corpus,  
Neve subducto faciem rubore  
Lutens tingat color, aut notetur  
Pallor in ore.

Rectius læto tegimus pudore  
Quicquid ad cultum patris exhibemus,  
Cernit occultum Deus, & latentem  
Munere donat. Ille

# CATHEMERINON.

Ille ouem morbo refidem, gregique  
Perditam sanat male dissipantem  
Vellus adfixis vepribus per hirtæ

Deuia syluæ.

Impiger pastor reuocat, lupisque  
Gellat exclusis humeros grauatus,  
Inde purgatam reuehens aprico

Reddit ouili.

Reddit & pratis, viridique campo  
Vibrat implexis vbi nulla lappis  
Spina, nec germen sudibus perarmat

Carduus horrens.

Sed frequens palmis nemus, & reflexa  
Vernat herbarum coma, tum perennis  
Gurgitem viuus vitreum fluentis

Laurus obumbrat.

Hiscæ pro donis tibi fide pastor,  
Seruitus quænam poterit rependi:  
Nulla compensant precium salutis

Vota precantum:

Quamlibet ipreto sine more pastu  
Sponte confectos tenuemus artus,  
Teque contemptis epulis rogemus

Nocte dieque.

Vincitur semper minor obsequentum  
Cura, nec munus genitoris æquat,  
Frangit & cratem luteam laboris

Grandior vsus.

Ergo

D

# AVRELII PRUDENTII

Ergo ne limum fragilem soluta  
Deserant vires, & aquosus albis  
Humor in venis dominetur, ægrum  
Corpus eneruans.

Laxus, ac liber modus abstinendi  
Ponitur cunctis, neque nos severus  
Terror impellit, sua quemque cogit  
Velle potestas.

Sufficit quicquid facias vocato,  
Numinis nutu prius inchoare,  
Siue tu mentem renuas, cibumve  
Sumere tentes.

Annuat dexter Deus, & secundo  
Prosperat vultu velut hoc salubre  
Fidimus nobis fore, quod dicatas  
Carpimus elcas

Sit bonum supplex precor, & medelam  
Conferat membris, animumque pascat  
Sparsus in venas cibus obsecrantem  
Christicolarum.

## HYMNVS OMNI HORA.

Carmen trochaicum octonarium catalecticū, constans septē  
pedibus & syllaba. locis imparibus semper trocheum aut tri  
brachium recipit. Paribus vero inseruntur Spondeus, dactylus  
anapestus, grauitatis imo & necessitatis causa admissi, In fi  
ne quarti pedis cæsura habet Hoc modo-

— u — — — u — — — u — — u — —

Da puer

# C A T H E M E R I N O N .

**D**A puer plectrū, choreis vt canam fidelib⁹,  
 Dulce carme & melodū gesta cristi insignia.  
 Hunc camcena nostra solum pāgat, hunc  
 laudet lyra.  
 Christus est quē rex sacerdos ad futurū protinus,  
 Infulatus cōcinebat voce, chorda, & tympano,  
 Spiritu cōelo influentem per medullas hauriens.  
 Facta nos & iam probata pangimus miracula,  
 Testis est orbis, nec ipsa terra quod vidit, negat,  
 Comminus Deū docendis proditu mortalibus.  
 Corde natus ex parentis ante mundi exordium,  
 Alpha & o cognominatus ipse fons & clausula  
 Omniū quæ sunt, fuerūt queq; post futura sūt.  
 Ipse iussit, & creata, dixit ipse, & facta sunt.  
 Terra, cōelum, fossa ponti trina rerum machina,  
 Quæq; in his viget sub alto solis, & lunæ globo.  
 Corporis forma caduci, membra morti obnoxia  
 Induit, ne gens periret protoplasti ex germine,  
 Merserat quem lex profundo noxialis tartaro.  
 Obeatus ortus ille, virgo cum puerpera  
 Edidit nostram salutem, porta sancto spiritu,  
 Et puer redemptor orbis os sacratum protulit.  
 Psallat altitudo cœli, psallat omnis angelus.  
 Quicquid est virtutis vsquā psallat in laude Dei:  
 Nulla linguarum lileicat, vox & ōnis consonet.  
 Ecce quem vates vetustis concinebant seculis,  
 Quē prophetarū fideles pagine spoponderant,  
 Emicat, promissus olim, cuncta collaudent eum.

Cant. D.

# AVRELII PRVDENTII

Cantharis infusa lympha fit falernum nobile,  
Nunciat vinū minister esse promptū ex hydria,  
Ipse rex sapore tinctis opstupefcit poculis.

3. 2. Membra morbis vlcerofa, vifcerum putredines  
Mādo, vt abluatur, inquit, fit ratū quod iufferat,  
Turgidam cute repurgant vulnerū plamina,

Tu perennibus tenebris iam fepulta lumina  
Inlinis limo falubri, facri & oris nectare  
Mox apertis, hac medela lux reducta eft orbibus

Increpas ventū furentē quod procellis trifcibus  
Vertat æquor fundo ab imo, vexet & vagā ratē:  
Ille iuffis obfecundat, mitis vnda fternitur

Extimū veftis facratæ furtim mulier attigit,  
Procinus falus fecuta eft, ora pallor deferit,  
Siftitur riuus, cruore qui fluebat perpeti.

Exitu dulcis iuuentæ raptum ephebum viderat,  
Orba quem mater fupremis funerabat fletibus :  
Surge dixit, ille furgit, matri & aftans redditur.

Sole iā quarto carentē, iā fepulchro abfconditū  
Lazarum iubet vigere reddito fpiramine,  
Fœtidū iecur reductus rurfus intrat halitus.

Ambulat per ftagna ponti, fūma calcāt fluctuū,  
Mobilis liquor profundi pendulā præftat viā,  
Nec fathifcit vnda fāctis preffa fub veftigiis.

Suetus antro buftiali fub catenis frendere,  
Mentis impos efferatis percitus furoribus  
profilit, ruitq; fupplex Chrifcū adefle vt fēferat

Pulfa peftis lubricorum milleformis dæmonū,  
Cor

# CATHERMERINON.

Corripit gregis suilli sordida spurcamina,  
Seq; nigris mergit vndis, vt pecus lymphaticū.  
Quinque panibus peresis, & gemellis piscibus,  
Affatim referta iam sunt accubantum milia,  
Fertq; qualus ter quaternus ferculorū fragmina  
Tu cibus, potusque noster, tu perennis suauitas,  
Nescit esurire in æuū qui tuam sumit dapem,  
Nec lacunam ventris implet, sed fouet vitalia.  
Clausus aurium meatus, & sonorum nescius,  
Purgat ad p̄cepta Christi crassa quæq; obstacula  
Vocibus capax fruendis, ac susurris peruius.  
Omnis ægritudo cedit, languor omnis pellitur,  
Lingua fatur quam vetera vinxerant silentia,  
Gestat & suum per urbem lætus æger lectulum.  
Quin & ipsum, ne salutis inferi expertes forent,  
Tartarum benignus intrat, fracta cedit ianua,  
Vectibus cadit reuulsus cardo dissolubilis.  
Illa prompta ad inruentes, ad reuertentes tenax,  
Obice extrorsum recluso porta reddit mortuos  
Lege versa, & limē atrū iam recalcandum patet.  
Sed Deus dū lucē fuluā mortis antra inluminat,  
Dum stupentibus tenebris candidū præstat diē,  
Tristia squalentis æthræ palluerunt sydera.  
Sol refugit, & lugubri sordidus ferrugine  
Igneum reliquit axem, seque mœrens abdidit,  
Fertur horruisse mundus noctis æternæ chaos.  
Solue vocē mens sonoram, solue linguā mobilē,  
Dic trophæū passionis, dic triumphalem crucē,  
Pange Dñj.

# AVRELII PRVDENTII

Pange vexillū notatis quod refulget frontibus.  
 O nouum cædis stupendæ vulneris miraculum,  
 Hic cruoris fluxit vnda, lymphæ parte ex altera,  
 Lymphæ nepe dat lauacrū, tū corona ex sanguine  
 Vidit anguis imolata corporis sacri hostiā, (est  
 Vidit & fellis perūsti, mox venenum perdidit,  
 Saucius dolore multo colla fractus sibilat.  
 Quid tibi, profane serpens, profuit rebus nouis  
 Plasma primum perculisse versipelli astutia:  
 Diluit culpam recepto formā mortalis Deo.  
 Ad breuem se mortis vsum dūx salutis dedit,  
 Mortuosque olim sepultos vt redire iuuesceret,  
 Dissolutis pristinorum vinculis peccaminum.  
 Hunc patres, sanctiq; multi conditorē præuium  
 Iam reuertentem secuti, tertio de die  
 Carnis indumēta sumunt, equis iustis prodeūt,  
 Cernerēs coire membra de fauillæ aridis,  
 Frigidum venis resumptis puluerem tepescere,  
 Ossa, neruos, ac medullas glutino cutis tegi.  
 Post vt occasus resoluit vitæ, & hominē reddidit.  
 Arduum tribunal alti, victor ascendit patris,  
 Inclytam cœlo reportans passionis gloriam.  
 Maeste iudex mortuorum, maeste rex viuentium,  
 Dexter in parentis arce qui cluis virtutibus  
 Omnium venturus inde iustus vltor eriminū,  
 Te senes, & te iuuentus, paruulorum te chorus,  
 Turba matrum, virginumq; simplices puellulæ,  
 Voce concordēs pudicis perstreant concetibus.  
 Flu



# CATHEMERINON.

Fluminū lapsus & vnda, littorum crepidines,  
Imber æstus nix pruina, silua & arua nox dies  
Omnibus te concelebrent seculorū seculis.

## HYMNV S in exequiis defunctorum.

Carmen dimetrum catalecticum xiiii temporū cōstans ionico  
vel integro vel diuiso, quem sequitur choriabus cū syllaba  
silentio quatuor temporum. Hoc modo.

UU— UU— UU— *Thougo*  
**D**Eus ignee fons animarum,  
Duo qui socians elementa,  
Vium simul, ac moribundum

Hominem pater effigiasti.

Tua sunt, tua rector vtraque,

Tibi copula iungitur horum,

Tibi dum vegetata cohærent,

Animus simul & caro viuit,

Rescissa sed ista seorsum

Soluunt hominem, perimuntque

Humus excipit arida corpus,

Petit halitus aera feruens.

Quia cuncta creata necesse est

Labefacta senescere tandem,

Compactaque dissociari,

Et dissona texta retexti.

Hanc tu deus optime mortem

Famulis abolere paratus,

Iter inuiolabile monstras,

Quo perdita membra resurgant.

Vt dum generosa caducis, **Ceu D iij.**

# AVRELII PRVDENTII

Ceu carcere clausa ligantur,  
 Pars illa potentior extet,  
 Quæ germen ab æthere traxit.  
 Si terrea forte voluntas  
 Luteum sapit, & graue captat,  
 Animus quoque pondere victus,  
 Sequitur sua membra deorsum.  
 At si generis memor ignis  
 Contagia pigra recuset,  
 Vehit hospita viscera secum,  
 Pariterque reportat ad astra.  
 Nam quod requiescere corpus  
 Vacuum sine mente videmus,  
 Spacium breue restat, vt alti  
 Repetat collegia sensus.  
 Venient cito secula, cum iam  
 Socius calor ossa reuifat,  
 Animataque sanguine viuo  
 Habitacula pristina gestet.  
 Quæ pigra cadauera pridem  
 Tumulis putrefacta iacebant,  
 Volucres rapientur in auras,  
 Animas comitata priores.  
 Hinc maxima cura sepulchris  
 Impenditur, hinc resolutos  
 Honor vltimus accipit artus,  
 Et funeris ambitus ornat.  
 Candore nitentia claro  
 Prætendere lintea mos est,

Asper

# CATHEMERINON.

Asperaque myrrha Sabæo  
Corpus medicamine seruat.  
Quid nam sibi saxa cauata?  
Quid pulchra volunt monumenta?  
Res quod nisi creditur illis  
Non mortua, sed data somno?  
Hoc prouida christicolarum  
Pietas studet, vtpote credens  
Fore protinus omnia viua,  
Quæ nunc gelidus sopor 'vrget      'arcet  
Qui iacta cadauera passim  
Miserans tegit aggere terræ  
Opus exhibet ille benignum  
Christo pius omnipotenti.  
Quia lex eadem monet omnes  
Gemitum dare sorte sub vna,  
Cognataque funera nobis  
Aliena in morte dolere  
Sancti fator ille Tobiaë,  
Sacer ac venerabilis heros,  
Dapibus iam rite paratis  
Ius prætulit exequiarum.  
Iam stantibus ille ministris,  
Cyathos & fercula liquit,  
Studioque accinctus humandi,  
Fletu dedit ossa sepulchro.  
Veniunt mox præmia cælo,  
Preciumque rependitur ingens,  
Nam lumina nescia solis      Deus      Dv.

# AVRELI PRUDENTII

Deus insula felle serenat.

Iam tunc docuit pater orbis,

Quam sit rationis egena,

Mordax & amara medela,

Cum lux animum noua vexat.

Docuit quoque non prius vllum

Cœlestia cernere regna,

Quam nocte & vulnere tristi

Tolerauerit aspera mundi.

Mors ipsa beatior inde est,

Quod per cruciamina lethi

Via panditur ardua iustis,

Et ad astra doloribus itur.

Sic corpora mortificata

Redeunt melioribus annis,

Nec post obitum recalescens

Compago fatiscere nouit.

Hæc quæ modo pallida tabo

Color albidus inficit ora,

Tunc flore venustior omni,

Sanguis cute tinget amœna,

Iam nulla deinde senectus

Frontis decus inuida carpet,

Macies neque sicca lacertos

Succo tenuabit adeso,

Morbus quoque pestifer artus

Qui nunc populatur anhelos,

Sua tunc tormenta resudans,

Luet inter vincula mille.

Hunc

# CATHEMERINON.

Hunc eminusaere ab alto

Victrix caro, iamque perennis

Cernet sine fine gementem

Quos mouerat ipse dolores.

Quid turba superites inepta

Clangens vlulamina miscet?

Cur tam bene condita iura,

Luctu dolor arguit amens?

Iam mœsta quiesce querela,

Lachrymas suspendite matres,

Nullus sua pignora plangat,

Mors hæc, reparatio vitæ est.

Sic semina ficca virescunt

Iam mortua, iamque sepulta,

Quæ reddita cespite ab imo

Veteres meditantur aristas.

Nunc suscipe terra fouendum,

Gremioque hunc concipe molli,

Hominis tibi membra sequestro,

Generosa & fragmina credo.

Animæ fuit hæc domus olim

Factoris ab ore creatæ,

Feruens habitauit in istis

Sapientia principe Christo,

Tu depositum tege corpus,

Non immemor ille requireret

Sua munera fictor, & autor,

Propriæque ænigmata vultus.

Veniant modo tempora iusta,

Cum

# AVRELIIPRUDENTII

Cum spem Deus impleat omnem,  
 Reddas patefacta necesse est.  
 Qualem tibi trado figuram.  
 Non si cariola vetustas,  
 Dissoluerit ossa fauillis,  
 Fueritque cinifculus arens,  
 Minimi mensura pugilli.  
 Nec si vaga flumina, & auræ  
 Vacuum per inane volantes,  
 Tulerint cum puluere nervos,  
 Hominem periisse licebit.  
 Sed dum resolubile corpus  
 Reuocas Deus, atque reformas,  
 Qua nam regione iubebis  
 Animam requiescere puram?  
 Gremio senis abdita sancti,  
 Recubabit, ut est Eleazar,  
 Quem floribus vndique septum  
 Dites procul aspicit ardens.  
 Sequimur tua dicta redemptor,  
 Quibus atra morte triumphans,  
 Tua per vestigia mandas  
 Socium crucis ire latronem.  
 Patet ecce fidelibus ampli  
 Via lucida iam paradisi,  
 Licet & nemo illud adire,  
 Homini quod ademerat anguis,  
 Illic precor optime ductor,  
 Famulam tibi præcipe mentem

Gen

# CATHERMERINON

Genitali in sede sacrari.

Quam liquerat exul, & effraus.

Nos tecta fouebimus ossa.

Violis, & fronde frequenti.

Titulumque, & frigida saxa.

Liquido spargemus odore.

## HYMNVS octauo kalendas ianuarias.

Ratio huius eadem est cum Ales diei.

Vid est quod arctum circulum

Soliam recurrentes deserit?

Christus ne terris nascitur,

Qui lucis auget tramitem?

Heu quam fugacem gratiam

Festina voluebat dies,

Quam penè sub ductam facem

Sensim recisa extinxerat.

Cœlum nitescat lætius,

Gratetur & gaudens humus,

Scandit gradatim denuo

Tubar priores lineas.

Emerge dulcis pusio,

Quem matris ædit castitas,

Parens & expers conjugis

Mediator, & duplex genus.

Ex ore quamlibet patris

Sis ortus, & verbo æditus,

Tamen paterno in pectore

Sophia callebas prius.

Quæ

**AVRELII PRVDENTII**  
Quæ prompta cælum condidit,  
Noctem diemque & cætera,  
Virtute verbi effecta sunt  
Hæc cuncta: nam verbum deus.  
Sed ordinatis seculis,  
Rerumque digesto statu,  
Fundator ipse & artifex  
Permansit in patris linu.  
Donec rotata annalium  
Transuoluerentur millia,  
Atque ipse peccantem diu  
Dignatus orbem vileret.  
Nam cæca vis mortalium  
Venerans inanes nathias,  
Vel æra, vel saxa algida,  
Vel ligna credebat deum.  
Hæc dum sequuntur, perfidi,  
Prædonis in ius venerant,  
Et mancipatam fumido  
Vitam barathro immerferant.  
Stragem sed istam non tulit  
Christus cadentum gentium  
Impune, ne forsan sui  
Patris periret fabrica.  
Mortale corpus induit,  
Vt excitato corpore  
Mortis catenam frangeret,  
Hominemque portaret patri.  
Hic ille natalis dies, Quo



# CATHEMERINON.

Quo te creator arduus  
Spiravit, & limo indidit,  
Sermone carnem glutinans.

Sentisne virgo nobilis,  
Matura per fastidia  
Pudoris intactum decus  
Honore partus crescere?

O quanta rerum gaudia  
Alius pudica continet,  
Ex qua nouellum seculum  
Procedit, & lux aurea.

Vagitus ille exordium  
Vernantis orbis prodidit,  
Nam tunc renatus fordidum  
Mundus veterum depulit.

Sparfisse tellurem reor  
Rus omne densis floribus,  
Ipsasque harenas Syrtium  
Fragrasse nardo, & nectare.

Te cuncta nascentem puer  
Sensere dura, & barbara,  
Victusque saxorum rigor  
Obduxit herbam cotibus.

Iam mella de scopulis fluunt,  
Iam stillat ilex arido  
Sudans amomum in stipite,  
Iam sunt myricis balsama.

O sancta præsepis tui

Æternæ rex cunabula,

Populisq;

# AVRELII PRVDENTII

Populisque per seclum sacra,  
Mutis & ipsis credita,  
Adorathæc brütum pécus,  
Indocta turba scilicet.  
Adorat excors natio,  
Vis cuius in pastu sita est.  
Sed cum fideli spiritu  
Concurrat ad præsepia  
Pagana gens, & quadrupes,  
Sapiatque quod brutum fuit,  
Negat patrum profapia,  
Perosa præsentem Deum,  
Credas venenis ebriam  
Furiisve lymphatam rapi.  
Quid prona per scelus ruis?  
Agnosce, si quicquam tibi  
Mentis refedit integræ,  
Ducem tuorum principum.  
Hunc quem latebræ & obstetrix  
Et virgo foeta, & cunula,  
Et imbecilla infantia,  
Regem dederunt gentibus:  
Peccator intueberis  
Celsum corusci nubibus,  
Deiectus ipse & inritis  
Plangens reatum fletibus.  
Cum vasta signum buccina  
Terris cremandis miserit,  
Et scissus axis cardinem . . . Mundi . . .

# CATHEMERINON.

Mundi ruentis soluerit.  
Insignis ipse, & præminens  
Meritis rependet congrua,  
His lucis vsum perpetis,  
Illis gehennam & tartarum.  
Iudæa tunc fulmen crucis  
Experta, qui sit senties,  
Quem te furoris præfule  
Mors hausit, & mors reddidit.

## HYMNVS EPIPHANIAE.

Ratio carminis huius cōuenit cū superiori.

**Q** Vicunque Christum quæritis,  
Oculos in altum tollite,  
Illic licebit visere  
Signum perennis gloriæ.  
Hæc stella, quæ solis rotam  
Vincit decore, ac lumine,  
Venisse terris nunciat  
Cum carne terrestri Deum.  
Non illa seruit noctibus,  
Sequitur lunam menstruam,  
Sed sola cælum possidens,  
Gursum dierum temperat.  
Arctoa quamuis sydera  
In seretortis motibus  
Obire nolint, attamen  
Plerumque sub nimbis latent.  
Hoc sydus æternum manet,      Hæc      E

Hæc stella nunquam mergitur,

Nec nubis occurſu abdita

Obumbrat obduſtam facem.

Triftis comœta intercідat,

Et ſi quod aſtrum Sirio

Feruet vapore, iam Dei

Sub luce deſtructum cadat.

En Perſici ex orbis ſinu,

Sol vnde ſumit ianuam,

Cernunt periti interpretes

Regale vexillum Magi.

Quod vt refulſit, cæteri

Ceſſere ſignorum globi,

Nec pulcher eſt aſuſus ſuam

Conferre flammam lucifer.

Quis iſte tantus, inquiunt,

Regnator, aſtris imperans,

Quem ſic tremunt cœleſtia,

Cui lux, & æthra inferuiunt.

Illuſtre quiddam cernimus,

Quod neſciat finem pati,

Sublime, celſum, interminum,

Antiquius cœlo, & Chao.

Hic ille rex eſt gentium,

Populique rex Iudaici,

Promiſſus Abrahæ patri,

Eiusque in æuum ſemini.

Æquande nam ſtellis ſua

Cognouit olim germina,

Primus

# CATHEMERINON.

Primus sator credentium,  
Nati immolator vnici.  
Iam flos subit Dauidicus  
Radice leilæa & ditis,  
Sceprique per virgam virens,  
Rerum cacumen occupat.  
Exin sequuntur perciti  
Fixis in altum vultibus,  
Qua stella sulcū traxerat,  
Claramque signabat viam.  
Sed verticem pueri supra  
Signum pependit imminens,  
Prænaque submissum face  
Caput sacratum prodidit.  
Videre quod postquam Magi,  
Eoa promunt munera,  
Stratique votis offerunt  
Thus, myrrham, & aurum regium.  
Agnosce clara insignia  
Virtutis, ac regni tui  
Puer ò, cui trinam pater  
Prædestinauit indolem.  
Regem, Deumque adnunciant,  
Thesaurus, & fragrans odor  
Thuris Sabæi, ac myrrheus  
Pulvis sepulchrum prædocet.  
Hoc est sepulchrum quo Deus  
Dum corpus extingui finit,  
Atque id sepultū suscitatur. Mortis Eij

# CATHEMERINON.

Mortis refregit craterem.

O sola magnarum urbium

Maior Bethlem, cui contigit

Ducem salutis cœlitus

Incorporatum gignere.

Altrice te summo patri

Hæres creatur vnicus,

Homo ex tonantis spiritu,

Idemque sub membris Deus.

Hunc & Prophetis testibus,

Iisdemque signatoribus,

Testator, & sator iubet

Adire regnum, & cernere.

Regnum quod ambit omnia

Dia, & marina, & terrea

A solis ortu ad exitum,

Et tartara, & cœlum supra.

Audit tyrannus anxius

Adesse regum principem,

Qui nomen Israel regat,

Teneatque Dauid regiam.

Exclamat amens nuncio,

Successor instat, pellimur,

Satelles i, ferrum rape,

Perfunde cunas sanguine.

Mas omnis infans occidat,

Servare nutricum sinus,

Interque materna vbera

Ensem cruentet pufio.

**Suspecta**

# AVRELII PRVDENTII

Suspecta per Bethlem mihi  
Puerperarum est omnium  
Fraus, nequa furtim subtrahat  
Prolem virilis indolis.

Transfigit ergo carnifex  
Mucrone distrieto furens  
Effusa nuper corpora,  
Animasque rimatur novas.

Locum minutis artubus  
Vix interemptor inuenit,  
Quo plaga descendat patens,  
Iuguloque maior pugio est.  
O barbarum spectaculum,  
Inlisa ceruix cautibus  
Spargit cerebrum lacteum,  
Oculosque per vulnus vomit.

Aut in profundum palpitans,  
Mersatur infans gurgitem,  
Cui subter arctis faucibus,  
Singultat vnda & halitus.

Saluete flores martyrum,  
Quos lucis ipso in limine  
Christi insecutor sustulit,  
Ceu turbo nascentes rosas.

Vos prima Christi victima,  
Grex immolatorum tener,  
Aram ante cuius simplices  
Palma, & coronis luditis.

Quid proficit tantum nefas?

Quid Eij

Quid crimen Herodem iuuat:  
 Vnus tot inter funera  
 Impune Christus tollitur.  
 Inter coæuū sanguinis  
 Fluenta, solus integer  
 Ferrum, quod orbabat nurus,  
 Partus fefellit virginis.  
 Sic stulta Pharaonis mali  
 Edicta quondam fugerat,  
 Christi figuram præferens  
 Moses, receptor ciuium.  
 Cautum & statutum ius erat,  
 Quo non liceret matribus,  
 Cum pondus alui absoluerent,  
 Puerile pignus tollere.  
 Mens obstetricis sedulæ  
 Pie in tyrannum contumax,  
 Ad spem potentis gloriæ  
 Furata seruat paruulum.  
 Quem mox sacerdotem sibi  
 Assumpsit orbis conditor,  
 Per quem notatam saxeis  
 Legem tabellis traderet.  
 Licet ne Christum noscere  
 Tanti per exemplum viri:  
 Dux ille cæso Ægyptio  
 Absoluit Israel iugo.  
 At nos subactos iugiter,  
 Erroris imperio graui,

Dux



# CATHEMERINON.

Dux noster hoste laucio

Mortis tenebris liberat.

Hic expiatam fluctibus

Plebem marino in transitu

Repurgat vndis dulcibus,

Lucis columnam præferens.

Hic præhante exercitu,

Pallis in altum brachiis,

Sublimis Amalech premit

Crucis quod instar tunc fuit.

Hic nempe Iesus verior,

Qui longa post dispendia,

Victor suis tribulibus

Promissa soluit iugera.

Qui ter, quaternas, denique

Refluentis amnis alveo

Fundauit, & fixit petras,

Apostolorum stemmata.

Tunc ergo le Iudæ ducem

Vidisse testantur Magi,

Cum facta præscorum ducum

Christi figuram pinxerint.

Hic rex priorum iudicum,

Rexere qui Iacob genus,

Dominaeque rex ecclesiae,

Templi & nouelli, & pristini.

Hunc posteri Effraim colunt,

Hunc sancta Manasse domus,

Omnesque suspiciunt tribus

Bissena

# AVRELII PRUDENTII CA.

Bislena fratrum semina,  
Quin & propago degener  
Ritum sequuta inconditum,  
Quæcunque dirum ferulis  
Baal caminis coxerat.  
Fumosa auorum numina  
Saxum, metallum, stipitem,  
Rasum, dolatum, sectile,  
In Christi honorem deserit  
Gaudete quicquid gentium est,  
Iudæa, Roma, & Græcia,  
Ægypte, Thrax, Persa, & Scythæ,  
Rex vnus omnes possidet.  
Laudate vestrum principem  
Omnes beati, ac perditæ,  
Viui, imbecilli, ac mortui,  
Iam nemo post hac mortuus.

FINIS.

Visum est Caesareæ maiestati liberam facere potestatem excu-  
dendi hunc Prudentiū Cornelio Manilio Typographo, inter-  
dicereque, nequis illum intra biennium imitetur, nisi velit vi-  
ginti quinque Carolis mulctari. Datū binsiæ septima maii.  
Anno millesimo quin. quadregesimo octauo. Subsignatum



Vlieden

GANDAVI

Excudebat Cornelius Manilius typographus  
Anno Domini M. D. Quadregesimo octauo.







